

الامم مجیدی

مدیری : حامی ثابت

۱۴ ربیع الآخر ۱۳۲۲

۲۷ شیاط ۱۳۲۹

یل ۱

صافی

فقه

فقه‌ایه کوره حقوق عامه

حقوق عامه نك اسلامیتده کی تلقی غریبلرک برچوق مساعیدن صکره هنوز واصل اوله مدقلری بدرجه ده یوککدر . غرب انجق اون طقوزنجی عصرک نصف اخیرنده حقوق عامه نك اسلامیتده کی تلقیسه دوغری توجه ایدمیلدی :

اوزاقدن ویا یاقیندن اوروپا حقوقه نسبتی اولانلر بیلیرلرکه غربده حقوق ذکر ایدیلنجه دائمی اراده خاطره کلیر . بو اراده یا فردیدر ، یا جماعتیدر . جماعتی اراده جماعتی ترکیب ایدن افرادک عمومیه عام وشامل غایه لر قارشینده وجودینی حس ایتدیرر و بو اراده شو ویا یوفرک دکل عمومک اراده سی اولدیفندن بر شخصه اضافه ایدنی اقتضا ایدر . او شخص جماعتک معنوی ویا حقوقی شخصیدر . شو فردی شخص ویا جماعتی شخص اوروپا حقوقده اصلدر ، اساسدر . ذی حق اولانلر اشخاصدر . بونک اینچون ذی حق اولان شخصک اراده سی دیگر اراده ره نسبتله عالی و اونلر اوزرینه متفوق عد اولتور . دولتده برحقوقی شخصدر ، حائر اراده در ، عامه اوزرنده تصرفانده بولتور و شو تصرفاتک ذی حقدیر . دولتک عامه اوزرنده کی تصرفاتنه تطبیق ایدیلن حقوقه غریبلر حقوق عامه دیورلر . فردی شخصلر ویا جماعتی اولوبده تصرف عامه ایله مناسبی اولیان شخصلر ذی حقدیرلر . بونلرک حقوق نفسیه لری حقوق مدنییه وخصوسیه افاده ایدر . دولت ویا دولت طرفندن وجوده کتیریلرک تصرف عامه یه تشریک ایدیلان ولایت وناحیه کی معنوی شخصلرده ذی حقدیرلر . بونلرک حقوق نفسیه لری حقوق عامه ده بیان ایدیلر .

شو ایکی قسم حقوق یکدیگرندن اساس واهیت اعتباریله فرقلیدر ؛ بونلرک وضعلرنده کوزم دیان ملاحظاتده بشته بشته در .

حقوقی شو طرزده تقسیم ، اشخاصی حق صاحبی طاییدقدن صکره پک طبیعی

و ضروری بر حال اولور . تصرف عامه بر حق عدایدیلور ؛ دولت ، ولایت ، ناحیه بو حقل درجات ایله صاحبلی اولورلر .

بو یولده کی بر ذہنی شویله بر محاکمہ نک تعقیب ایتیمی شہ سزدر :
حقوق خصوصیه .. بو ، مساوی اشخاص حقندہ تطبیق ایدیلن قواعددر .
حالبوکه دولت ، ولایت ، ناحیه .. بونلر فردی شخصلره نسبتله دها عالیدرلر .
بونلرله فردی شخصلر تقابل ایتدیکنده غیر مساوی شخصلر قارشیلشمش اولورلر .
دولت تصرف عامیه مالکدر ؛ بو حق دیگر حقلره نسبتله دها یوکسکدر .
بو حقه مالک اولانلر : دولت ، ولایت ، ناحیه وسائر خدمات عمومیه یه اشتراک ایدن مؤسسات رسمیه عمومیه یوکسک شخصلردر . بناءً علیه حقوق خصوصیه مساوات اوزرینه مبتی اولدیغی حالده حقوق عامه عدم مساوات اساسنه مستند بولسور .

حقوق عامیه شو عدم مساوات فکری کیردکن صوکره شخصی ، نفسی حقوقدن بشقه شئییت اوزرینه مؤسس بر حق یوقی در ؛ بو ذات حقوق دولدن مقدم و دولتک فوقندہ دکلر ؛ دولتی بعض افعالک ایفاسنه مجبور و بهضیلرینک ایفاسندن منع ایتزمی ؛ دولت حقوقک حدودینی ذات حق تحدید ایتزمی ؛ کی سؤاللر توالی ایدر .

المانیاده بوسؤاللره ویریلن جوابلر منفیدر . اوراده « دولت صلاحیتی حدودینی ینه کندیمی تعیین ایدر ، دولتک فوقندہ بر حق یوقدر ، انجق تاریخی ، سیاسی ، اجتماعی ، اقتصادی اسباب دولتک افعاله حدود قور و دولتی کندی وضع ایتدیکی قوانینه رعایت مجبور قیلار » فکری مدافعه ایدلمکدهدر .

فرانسه ده یکی بر مکتب بوسؤاللره مثبت جوابلر ویردی . فقط یوکا وصول ایچون اولا دولتک حقوقی بر شخص اولدیغی انکار ایتدی . صکره حقوق نفسیه نک غیر موجود اولدیغی سویلیدی . انجق ذات حق واردر ، بو دولتک فوقندہدر ، دولتی بر طاقم خدماتی ایفایه مجبور قیلار ، بر طاقم افعالی اجرادندہ منع ایدر دیدی ...

بونلر بالکتر مناقشات قلمبندن عبارت دکلدر ، بونلرک محاکمه انعکاساتی

وارد در . بوکون دولت کندی وضع ایتدیکی قوانین ایله تقید اولتور ، کندی محاکمی حضورنده محاکمه ایدیلور ، ضرر و زیانه ، تضمینه محکوم اولور .

حقوق عامه نك اراده ایتدیکی شو نتیجه یه « بشروعت » (*légalité*) نامی ویریلور .

غرب بو نتیجه یه برچوق مساعیدن صکره واصل اوله بیادیکی کی هنوزده مبادیسنده در .

حالبوکه اسلام حقوقی بو اساسی ییک بو قدر سنه اول وضع ایتشدی .
چونکه :
اولا :

حقوق اسلامیده موضوع بحث اولان فعل مکلفدر . عاقل و بالغ اولان هر فرد خطاب الیه مخاطبدر . اونک افعاله قارشنی خطاب الیه نك اثری اولان حکم ترتب ایدر . شو حکم فردی مجبور و مکلف قیلار . حقوق اسلامییه کوره انسانلر ذی حق دکلدرلر ؟ وظیفه ایله مکلفدرلر . اسلام حقوقده فرد انسانی ایچون حقوق طبیعی طائمه شدر ؛ انحق خطاب الیه نك اثری اوله رق احکام ترتیب بیورلشدر . بناء علیه هر کس عمومه قارشو وظائفه مکلف ، فقط هیچ بر کیسه حائز حقوق دکلدر . کیسه وظیفه سنی ایفا ایدم بیلمکدن بشقه حقه مالکیت ادعا ایدم مز . زیرا حقوق یرینه وظائف اقامه ایدلشدر . اسلامیتك حقوقی شو طرزده تلقیننی شخصیتی قابلیت تمدنه دها زیاده تابع قیلدیننی ایچون نك یوکسکدر .

خلاصه اسلامیتده دولت و جمعیتدن و افراددن مقدم و بونلرک فوقده اوله رق بر ذات حق (*droit objectif*) طائمه شدر .

بو ، انتظام و بقای عالم ایچون موجود قاعده اجتماعیه در . انسانیت و عدالت قاعده سیدر . بونی شارع اعظم حضرتلری اوامر و نواهیله تعین بیورلشدر . بو اوامر و نواهی اسلاملر ایچون قوانین اساسیه یی (*Lois fondamentales*) تشکیل ایدر . امر و جوبی افاده ایدر ؛ بوکون علما قانونی تعریف ایدرکن نتیجه واصل اولدقلری بو

وجوب کیفیتدور. چونکه قانونك میزسی مجبوری (obligation) اولمقدور. شو احکام وقوانین اساسیه تبدل ایتمز، بودنیانك هر طرفده بویه در. مثلا (تناخوا...) بیورمقنه عائله تشکیلی اساس اولدیغی، قصاصده حیات وارددر حکمیاه حیاتك رتبه مصونیت ومحترمتی اکلادیلیور. دها هیچ برواضع قانون عائله تشکیلك عدم لزومنه، حیات بشری افنانك مباحیته دائر وضع احکام ایتمدی وایده مزده. ایسته اسلامیت طرفدن ذات حقوق (droit objectif) اولهرق شارع اعظم طرفدن بیادیریان احکام بویه اصلی واساسی قانونلردر. بونلرك تطبیقات وتقرعاتی زمان ومكان ایله حرکی (dynamique) اولهرق وضع واجرا اولنور. حقوق نفسیه (droit subjectif) اسلامیتده یوقدر. ثانیاً: اسلامیت حقوقده شخصی دکل فعل مکلفی موضوع اتخاذ ایتمشدر. بناء علیه اسلامیتده معنوی وحقوقی شخصلر تصور اولنماش واونلر حقده آریجه احکام وضع بیورلماشدر. دولت معنوی برشخص دکلدر. طبیعیه ولایت عامه نك ده صاحب و ذی حق اوله ماز. یالکر تصرف عامه کیفیتك ذی الیدلری نظره آنمشدر.

برشیك ذی یدی (détenteur) اولمقاه ذی حق (sujet de droit) اولق آرسنده عظیم فرق وارددر. ذی حق ملکنده کیف مایشاء تصرف ایدر. ودیعه بر ذی یددر؛ فقط حفظ وصیانتله مکلفدر. اسلامیتده ولایت عامه امامت کبری مقامی حائز اولان ذاته تودیع اولنور. بوذات امر دین ودنیانك حسن تمثیت وحراستیه مکلفدر. بناء علیه بونلر تصرف عامه اوزرینه ادعای حق ایده مزله. امامت کبری مقامنه حقیقه بیلیمك ایچون شرائط لازمه بی حائز اولق، بناء علیه اول امرده عقل وبلوغ صاحبی مکلف بولمق ایجاب ایدر. بونلر حقده ده تکلیف الهی وارددر. کندیلری حقوق صاحبی دکلدرلر. وظ ائنه مکلفدولر. بونلردن صادر اولان کافه عقود وافعال مشروعیت (Légalité) قیدی ایله مقیددر.

ایسته اسلامیتده بر طرفدن حقوق نفسیه نك موجود اولماسی، دیگر طرفدن معنوی وحقوقی شخصلر تصور ایدلماشی فقهای آریجه حقوق عامه

مباحثی تصنیفه سوق ایتمیشدر . بوتون انسانلر یکتدیگرینه قارشى وظائفا
مکلفدرلر . کیمسه حائز حقوق دکلدر . جمعیت و دولتک فوقده برذات حق
وارددر . یوکا موافق افعال مشروع ، دیگرلری غیر مشروع اولدیغندن
تصرف عامه یی درعهده ایدنلرک اوامری ، مقرراتی بومحاله کوره تقدیر اولتور .
حقوق عامه نك غریبه واصل اولق ایستدیکی نتیجه بودر . بوابسه حقوق
اسلامیه نك اساس و روحیدر .

قونیه مبعوثی و دارالفنونک حقوق شعبه سنده
حقوق اداره و حقوق عامه معلمی

مصطفی شرف

اجتماعیات

اجتماعی اصول فقه

فقهک ایکی منبعندن برنجیسی نص ، ایکنجیسی عرفدور . فقهک برنجی
منبعی فوق العاده اهتماملا تفتحص ایدلمش و بوضورتله متعدد علوم قرآنی و حدیثیه دن
باشقه برده احکام فقهیه نك تصویفدن نه یولده اشتقاق و تفرع ایستدیکنی کوستره دن
(اصول فقه) نامیه برعلم تکیون ایتمیشدر . عجبا عرف حقندهده بویله اهتمامکارانه
تدقیقلر یاپیلمه مازمیدی ؟ عرفلرک زمزمه لره ، وزمزمه لرک تکاملی صفحه لرینه
کوره ناصل دکیشدیکنی وضو کرم بوتحول و تکامل عرفلرک فقهیه نه یولده تأثیرلر
اجرا ایستدیکنی کوستره دن اجتماعی بر اصول تدوینته امکان یوشیدی ؟

اجتماعیات علمی مثبت برعلم اوله رقی آنجق یاقین زمانلرده تشکل ایتمک
باشلادیغندن بوتدقیقلرک اجرا سیله بویله برعلمک تدوینی کچمش عصرلردن
بکله مک طوغرو دکلدر .

هر جماعتک جانلی حقوقی ، حقیقی قانونی حیاتک محصله سی اولان عرفقدن
عیاریدر . کتابلرده یازیلی اولان دستورلری تفسیر و حیا ته تطبیق ایدن وجدانلرده